

三松堂集

三松堂集卷十五

始辛酉秋
至壬戌冬

吳縣潘奕雋榕皋

范芳谷招飲齋中出示李涪江所畫武昌送別
圖索題時芳谷又將入楚因賦長歌卽以贈
行

男兒墮地門懸弧俯視六合同庭衢一生齋鹽伴妻孥
朝歛暮暗何爲乎吾友倜儻宗慤徒負才濩落猶江湖
乘風來往隨檣鳥欲借雲夢蠲煩紆武昌樊口煙水區
騷人屈宋相招呼壯遊放曠無憂虞絕勝宦游纓紱拘
一朝歸思縈蒹蘆買舟便發不少須吟朋墨客攜殺醺

沙頭醉傾白玉壺輕颿飄忽如飛鳧雲鬟霧髻大小孤
放眼捩舵心神愉拂拭東絹煩顛迂昨宵看畫驚歲徂
壯心又欲辭東吳冬窗晴暖霜花敷張燈宴客邀我俱
燈光花影照座隅雲山指點修以嘔飲我索我歌吳歛
憶昔我爲時所驅塞垣邊微鞅幹鱸淖沅澠灤潞沽
香臺白雲洞牢珠南行亦經熊繹都陰晴川陸變態殊
不少好景供嬉娛維時趨程心氣竊豈暇吟弄羅墨朱
回頭往事真須臾年來戢影伏櫪斂衰怯斂退慚非夫
楚山楚水夢模糊何能並掛十幅蒲爲君題畫增感吁
金昌亭下日欲晡西風獵獵摧蔣茹君言計日當首塗

索詩火急如索逋不勞含悽唱驪駒詩成筆禿墨未枯
山塘折柳合作圖何當更乞龍眠摹

芳谷復寫金閨折柳圖率題二絕

楚王古殿闔闔城水郭煙村幾驛程兩岸青山如畫裏
羨君來往一帆輕

離亭折柳柳依依玉笛聲寒雁影稀記取山塘春色早
已舒青眼盼君歸

題文徵仲蘭冊

畫蘭仙品溯王孫徵仲揮毫古法存記得東坡畱筆訣
風枝一一可尋源

停雲家世擅才華翰墨風流子姓誇今日烏衣來燕子
壞牆閒啄野棠花

呂修林哀詞

六旬鬢未白羨汝有精神憶聽風前弄驚爲泉下人琴
悲沙雁冷笛怨嶺梅春痛絕魂歸夜寒燈泣老親

君精琴理

兼善吹
鐵笛

題范夫人徐媛臨董思翁書後

行草華亭抗素芝閨中摹倣愛臨池試觀垂露懸針格
何似前朝李茂漪

鐵筆於今重云美

顧苓

八分當日擅牆東

徐樹丕

標題前輩

畱遺墨過眼風燈感慨同

構一室廣一丈高七尺周以板啟其南以納日
爲避寒偃息之所名之曰蟄室詩以落成之
年老愁寒劇因營十笏廬何妨學坯戶不避誚懷居隱
几聞天籟游心到物初打頭客莫慮安穩傲高車
窗暖薰花氣帷低裊篆煙心空無等咒體適小周天勝
合題新懦銜應署樂全蘇何聊戢影不必慕前賢

題嚴香府畫冊

白塔明斜照青林淡晚煙舊游如夢裏記泛富春船
扁舟蕩明流欲訪塵外侶日落不逢人長吟自來去

寺遠鐘聲杳溪迴石磴斜晚來嵐翠合何處問山家
風吹簫笠煙日漾釣絲影身世已兩忘何必問箕穎

韓旭亭屬題其外祖陳需齋先生長江放眼圖

高人胸次無纖塵俯視富貴如浮雲偶圖江山寄逸興
羽服瀟灑仝喬倫誰歎作記窮江源松陵吳生

山秀論

瀾翻仙翁已往不可問墟見恐非公意存遠峰近岫開
眼界怒潮急浪驚耳門畫圖流傳八十載粉墨猶帶波
濤痕樂餘東老公外孫揮灑落筆江可吞人間萬事不
掛眼珍此遺篋侔璵璠我衰蟄室收放紛戢影朝暮占
蒙屯觀圖披豁發遐想凌虛飄忽飛吟魂浮生擾擾塵

世喧此事難與下士言九原不作生也晚安得操几從
公論

贈韓聽秋

道園塵海本殊塗收視天將眾妄驅試向黃庭尋玉籙
好憑象罔獲元珠牛屯慧眼泉猶冽水部新詩味轉腴
識得安心更無藥佇看秋水湛清臚

沈青齋哀詞

故交霜後葉辭樹漸紛紛哀度袁江雁寒凝烏鎮雲青齋
家烏鎮老難安偃仰壽恐損辛勤記竝東郊步堅強最羨
君

送蔣生雲篋應試春官

之子吳中傑論文於我親白頭敲枕客

時余抱病

綵筆看花

人風翮初辭樹霜蹄本絕塵昨朝三徑裏先報一枝春

除日偕芝巖畏堂子世璜登彌羅寶閣

臘盡身初健春回氣尙寒層樓凌碧宇傑構溯黃冠心

已羣氛遠人從下界看三尸如可絕結侶事星壇

人日過訪韓旭亭適開尊宴客拉余入坐卽用

芝巖巡字韻得詩一首

初正招客日逢人長命祥徵五百春

同席八人皆六十外合計之得五百

三十古器摩挲陳鑿落新斲斟酌試逡巡醉揮如意心
四歲

還壯

出示趙忠毅公鐵如意

健和新篇筆有神莫訝酒狂來不速

尊前也擬鬪閒身

旭亭席上喜晤韓梅坡有贈

世人多慕勢達者獨遺榮門有永師鐵杯無婁護鯖知
君學爲己愧我老同庚會挾毛錐去相從戲墨兵

袁月渚柏庭方丈作

物外寄吟身韜精自葆真問年忘甲子坐夜守庚申古
井寒泉冽閒庭翠柏春登山還健否三宿憶前因
歲庚戌偕
月渚同遊穹隆山三宿上真觀

琴養圖爲汪澣雲題

濟時佇碩彥愛日依慈幃試問單父琴何如老萊衣白
華晨膳潔珠柱清音希傷哉寸草心難駐三春暉松風
入塵絃拂拭思遺徽我讀琴養圖掩卷增獻歎

題管韞山詩後

夜永燈寒一卷陳唾壺敲缺氣嶙峋客言是集能千古
我爲同袍惜此人論事獨敦風義古詠懷兼愛性情真
觀臺絕筆餘忠悃太息陽城志未申

正月二十六日招友同飲蟄室

晴日烘窗淑氣回相邀蟄室倒深杯羣情白媚木居士
吾輩合尋麴秀才病骨蘇醒聊自喜新詩頽放任人咍

相期更買扁舟去鄧尉同看萬樹梅

聽雨圖爲韓聽秋孝廉兼簡桂舫觀察

人生因境成離合至性難忘是弟兄每誦韋詩知別苦
憶吟蘇句覺官輕歸田我踐聯牀約獨夜君深念遠情
料得寒燈湘浦夢此時也繞闔閭城

寄懷秦小峴廉訪

肩隨委佩入東華耳熱

恩綸下白麻孟水令行民不擾繡衣威肅吏無邪三湘
蘭芷閒吟遍雨浙湖山入夢賒記否德生情話久畫船

歸去日西斜

丁巳春偶游西泠招飲湖舫同至德生庵訪華秋槎

徐復堂輓詩

街南巷北路非賒孝穆驚才少歲誇人重田園爲世業
君耽文史作生涯科名他日方三拜詩句今時溫八叉
猶記庭梅貽短幅孤標清絕似霜葩

生前同調幾貧交莫以高寒擬島郊時彥尙傳銀甕敗

新詩曾和海棠巢

復堂海棠巢詩余有和作

病餘習靜矢蒹軸老去

觀空悟幻泡種德徐卿應食報定知階下有騰蛟

令子頴文

名藉甚中式副車今應試京兆

送陳稽亭水部假滿還朝卽次畱別韻

別山詩合勒槃阿

南史何允作別山詩

風月曹司屬老何

輦下

聯鑣吟侶喜尊前攬袂酒人多誰能平世甘棲遯不少
高才嘆轍軻今日鳴騶看上道飛騰光景未蹉跎

元方聲價重璠璣憶解金龜賦遂初蓬徑嘯歌真自若
春風詠歸好相於

從鄭康成解

岫雲早識心無繫隙影頻驚

歲不居出處吾儕惟委運漫勞敦促故人書

親朋出祖意殷勤回首金閨日暮雲話到前塵殊惘惘
論從餘子各紆紆收身髮短應憐我報國年長最羨
君從此心期庶無負任教猿鶴誦移文

奔輪義馭暗中催堅質何憂世故推遇事不回覘素守
於時有濟貴通材壯懷肯羨依林鳥芳訊無忘附驛梅

宦績四詩畱左券知君心跡絕塵埃

題張南華畫冊八幀

春林漠漠溼煙浮林外春波澹不流想見南齋纔退
直西山晴翠恰迎眸

五月京師苦鬱蒸每思赤腳踏層冰人間此景誰能領
合讓深山結夏僧

憑將雪繭寫家山苦憶當時供奉班慙愧水雲一漫叟
西風吟眺十年間

冷煙溼雪草堂深妙理義爰未易尋我亦避寒營藝室
閉門或可見天心

玉堂散直日遲遲門外紅塵十丈時繞屋扶疎浮樹影
自和殘墨寫陶詩

天平誰送草堂貲曾寫溪山索我詩短幅晴窗閒點筆
清門文采最堪思

先生哲嗣榜亭亦能畫山水
甲申乙酉間僑寓天平山下

北苑煙雲昔少偶南華翰墨近無倫興來涉筆妙神似
莫謂今人遜古人

小憩曾登接葉亭

先生京師寓齋舊地在爛麵胡同

松間嵐影晚逾青

殘膏零落彌增重始信當年筆硯靈

春雨齋圖爲陸甫元舍人

湖雲吹暗闔閭城竟日高齋聽雨聲想見齋中清似水

瓶花墮几篆煙橫

山塘怡賢祠壁見寄塵和尚墨蹟感賦

寄塵名
衡麓

蠅頭懸腕風神朗棧筆挈雲結構精今日禪門應寡偶

前身智永或重生吳頭楚尾閒雲遠海角天涯一葉輕

我爲題詩感陳迹他時人識寄塵名

寄塵來往吳中隨
冊使趙翰林文楷

至琉球歸
卒于閩

閉戶著書圖爲吳竹橋禮部

投紋歸來萬慮空妙門早已契元同庭前但有支離叟

硯北還招無是公

玉堂粉署付前塵汨汨人間太敝神彩筆一枝書萬卷

廿年眞羨自由身

我賦閒居十五年東書焚硯日高眠何當來問東家住
同注南華內外篇

穹窿山上眞觀有懷支山月渚

洞天尋古路一徑入煙巒人異當年健山猶昨日看碧
桃開磻戶清磬落雲端憶共探幽客聯吟倚石闌

上眞觀醮壇作

繡嶺開珠館瑤壇集羽流梅檀寶鼎爇旌節洞天畱侍
從雲爲馬眞官玉作旒經聲將磬響飄渺下層樓

窈窕飛仙閣森沉白玉墀焚香披碧簡浥露草青詞神

遠誠能格天高聽本卑迎釐先首過非與赤松期

壬戌二月廿八日同曹恂愚李補樵遊甯邦隲

酌鳴珠泉逾中茅峰憩茅篷遂遊拈花寺上

竹竿嶺歸宿上真觀

遊山獲同志飯罷攜枯藤仄徑尋舊題捫蘿憶吾曾

庚戌

秋日同芝巖月
渚題名石壁

祇林面修竹院靜疑無僧溯昔遺榮人

於此避弋矰隨行老兵去逸事今誰徵

相傳宋韓蘄山
王隱此山

腰探泉脈峭壁青峻嶒鳴珠手可掬石磴三人憑一酌

百慮釋再酌塵心澂

甯邦茅峰左茅蓬茅峰右峰隲開寺門諸峰獻羣秀我

來當仲春晴翠落襟袖寺僧八十餘以靜獲老壽飢掘
山筍燒渴汲山泉漱爲言靜中味可會不可授嗟哉塵
世客自愛實自寇吾亦未離塵將衰悟計謬

鍾吾本僧廬今爲羽士宅拈花占山麓依然古香積門
前澗水清門內峰巒碧庭陰喬柯列下有舊行蹟僧雛
俱伊蒲一飽聊岸幘齒增雪盈顛歲逝駒過隙回思十

二年汨汨竟何獲默愧耽幽人長年憩泉石

余不到山
十二年矣

斜陽忽西下林外嵐光沈拄策尋歸途竹竿路嶽崑徑
轉睇雲間遙傳笙磬音層波太湖白重岫靈巖陰意適
興有餘茲游愜素心道契性不隔味澹情彌深蕭蕭松

風中孤燈照幽襟題詩待補圖並以諧玉琴

補樵善畫其侶能琴

故云

暮春修禊同人分韻得和字

撰辰修故事祓禊向晴波節正春三月人疑晉永和管
弦喧可謝觴詠興偏多連袂循芳甸分曹占綠莎遙岑
簪是玉曲水帶爲蘿內史真千載餘徽近若何

治園石筍歌爲范芝巖

治園佳日吾頻過高下犖确窮煙蘿園中奇石森成列
形具堂密岡巒阿今來方亭復小憩亭北忽矗雙髻螺
籬根新筍初解擗訝此甲坼青嵯峨主人爲言此石古

入世閱劫如觀河宮詹

勿齋

雅尙愛林壑太守

雲泉

投老遺

簪綯當時名園寄清暇先後石畔來婆娑風前坐品幾
嘆賞月下醉倚頻摩挲百年人事轉頭換兩番興廢真
剎那奇章不作米顛老委此異質僵煙莎園丁竈養豈
知惜荒榛枯蔓紛成窠昨朝移致爲拂拭故知有美難
埋磨剗沙剔蘚位置妥瘦骨漱水寒生波含風清韻鏗
可扣漚雨翠色圓成渦高齋新霽卷簾坐紀事灑墨揮
長歌惟君好異天所與用助歡宴供吟哦菱溪傑作憶
六一雪浪遺事追東坡不須對石更增慨觴客且倒金

叵羅

石湖舟次作

乾隆乙亥余年十六游於庠因至新郭登京
兆之靄春堂泛舟石湖戊寅京兆君來歸乙
未而京兆君卒於京今春重過行春橋登天
鏡閣回憶初泛舟時蓋四十七年矣撫時憶
往作是詩也壬戌三月二日記

乙年初放胥江棹新郭重開此日帆贏得白鬚聯白髮
卻思青鬢映青衫行春風暖晴波皺天鏡雲低夕照銜
四十七年人事換楞伽依舊碧巉巖

何亭觀牡丹時長老雪舟已化去

依山禪室似山家竹徑藤籬石磴斜自有春光娛過客
不妨淨眼對繁花色空非二能觀否香味全無可會麼
默坐吾增身世感沙彌但解獻茶瓜

郭匏雅招同守約芝巖芝岡默齋畏堂雲浦集
春草閒房觀牡丹

分明月下舞嬌嬌彷彿闌邊倚洞簫喜對名花兼美酒

況聯舊雨又良宵

坐中無
生客

白頭身健豪情在翠幙風微

香氣飄莫爲急觴辭伯雅看余小戶盡三蕉

雨中過嘉興不得登岸感懷錢華石侍郎百泉

檢討柬寄子壽編修

輕帆過秀州繞郭溼煙浮百福

子壽所居巷

憶吟侶宣南感

舊游交情三世永詩筆一家道相望不相見長謠倚柁樓

泛舟西湖

湖心弄水捉冰輪屈指初游五十春雙鬢驚非前度客
六橋重著畫中身晴添柳色沿隄碧雨洗嵐光照眼新
筋力已衰緣欲簡筇輿不擬入城闔

華秋槎北山旅館圖

段家橋畔有精廬嵐翠湖光畫不如三宿王莊解纜去
輪君十載此安居

馮玉圃見示洽園之作和韻奉酬

其辭塵海傍邱樊勝日招尋洽隱園

洽園爲明治
隱園舊地

人過

中年宜放曠坐無生客路寒暄委懷莫歎霜盈鬢積懔
同傾酒一尊晚計郊扉殊有味祇應閒與素心論

題李桐皋詩後

五日隄邊住籃輿不入城喜君閒過訪遇我疾初平詩
似山雲藹心同湖水清明年重放艇竹馬聽歡聲

過陳花南梅莊索詩賦贈

潤水橋邊石徑斜竹籬松鳴有雲遮亭深好引林逋鶴
客到還烹顧渚茶六一額東虛抱願坡仙陽羨未移家

輸君吏隱情兼遂管領湖山閱歲華

娑羅樹花歌爲王松泉作

松泉手栽娑羅樹邀我來看娑羅花云此攜自華頂寺
川路紆折山嵒岬又云是樹佛所遺移植往往枯不華
怪君兩本特豐茂敷葉吐萼凌晨霞輕紅浥露蒂密簇
幽香散日陰交加娑娑映蔚昔所頌隨方靈異言非誇
我來清和逢淑序恍入蒼葛聆頻伽大方等大集經迦
迦陵者好毗伽者聲名好聲鳥也嗅香數蕊讚嘆絕齋肅有手敢牽拏
登樓五體自投地心口默誦阿梨耶法炬陀羅尼經譯
者因知此樹有由茂帝釋臨汝惟汝嘉松泉築樓供佛此行矢

願陟台嶺當暑却畏程塗賒楚州遺碑不可見鶴翎想

像如枏樅

娑羅一名鶴翎

今晨花下獲靜憩我佛牖我來君家

雙林挺秀光四照七葉布蔭枝分榦松泉供佛更採擷
贈我使我心咨嗟磁瓶五日式不壞肯與浪蕊隨泥沙
吾聞天台人罕到到亦未必花揚葩檐溪曲折蛇虺伏
五界迢遞荆榛遮何如跬步勝因輳無異翠岫登耆闍
此緣非偶竊自幸奚事攀涉窮幽遐

由六橋入理安寺

雨霽沙隄淨峰迴磴道平參天萬樹影赴壑百泉聲濃
翠寺門合幽香溪鳴生石橋人籟絕時有鳥呼名

江行雜詩

隔江雲樹指西興
江口人家已上燈
十幅蒲帆風力軟
卅年往事憶蒼騰

六和塔下晚潮平
虎爪山頭暮靄橫
牖口今宵宜小住
明朝早到富陽城

山重水複路盤紆
橫幅晨窗展畫圖
閒拂生綃汲新水
天然粉本有顛迂

飽餐嵐翠度朝昏
巖瀨風清散霧痕
除却泉聲與鳥語
更無凡響觸閒根

鷺鳥烏鴉

二種船名

翦作篷下灘
趁溜上灘風
舟人不識江

山好卻厭紆迴七里籠

白雲如絮擁孱顏懸瀑晴飛雨後山世上紅塵全隔斷
煙蓑真欲伴漁蠻

釣臺

何處雲臺跡此臺萬古留倉皇憐豆粥雲水樂羊裘頗
憶貪天語難爲越俎謀嗤他氣厥者晚作赤松遊

金華道中

昏旦叵寒異東西時雨懸火雲看砭兀雌霓入聲忽連蜺
水驛灘聲裏山城暮靄邊牧羊遺蹟在吾欲息塵緣

八詠樓

今祀婺女星郡人呼爲星君樓

山城吾再宿訪舊意偏勤八詠畱遺蹟千秋仰令聞古

名揭元暢

古元暢樓四字額爲昔郡守王以吳書筆法雄勁

邦典祀星君細雨

憑闌坐愁看隔浦雲

和錢竹汀前輩重游泮宮賦贈新先輩因追懷

西莊光祿之作

杖國重逢采藻年新詩脫手韻冷然白頭心跡超塵外

青鬢風光在眼前天祿班將羣彥領儒林事以一身

肩轉頭佳話傳春榜莫爲懷人慨逝川

乾隆甲戌先生登第今屈指重

赴瓊林僅十二年耳

劉醇齋同年過訪見贈和韻

剝啄誰敲兩版門披襟重喜挹清溫
摧頽我已辭塵網
斂退君方探道根
古寺澗空無舞鶴
高峰泉冷有吟猿
昔寓居虎邱鶴澗之傍近自西泠返
棹冷泉亭呼援洞西湖最勝處也
年來曾得逍遙旨
椿菌鳩鵬莫更論

槩戟歡騰萬戶春
召棠卽雨迹俱陳
無田肯退真知止
有硯能耕豈患貧
君書擅名于時
老去但尋行樂地
詩來懶鬪

苦吟身青鞵布韞須強健同作
昇平自在人

何處能消暑

何處能消暑雲峰憶萬層
譚元攜道士結夏訂詩僧
幽澗六時雨陰崖太古冰
孤亭修竹裏四面碧峻嶒

何處能消暑清江深復深天紳看瀑布水樂聽鳴琴游
鯉牽蘋躍飲猿聯臂吟溪聲兼竹影不雨亦蕭森
何處能消暑拋書擬刺船新知無賀若舊侶有成連哀
響鴻依渚良宵月到筵松風頻拂檻謾謾繞冰絃
何處能消暑蕭齋坐隱宜簾疎人影瘦院靜子聲遲不
賭宣城守微吟玉局詩橘中真可樂熱客未曾知
何處能消暑紗厨一榻橫華胥知不遠軍將莫相驚簾
比琉璃滑身如胡蝶輕門前塵十丈襪襪有人行
何處能消暑尊開竹葉青湖宜浮小舫秋已到殊亭荷
氣入筵淨蘋風吹面醒碧簫彎象鼻不必學劉伶

鍾園生曠圖

乾隆丙申奕雋以病乞假歸里謁芝庭先生
于慈竹春暉之堂先生出示生曠圖卷并用
昌黎寒食出遊詩韻賦詩索和逮甲辰雋再
入都門先生卽於是歲偕雲將遊矣今年夏
瑤圃侍御因檢遺篋重付裝池索題卷首感
念今昔再用原韻

生世難辭衰老病死而不朽德之盛尙書八十身康強
洛社風流後先映謝傅林泉興自長恬侯恭謹心無競
佳城鬱鬱手親營寒食新詩續舊咏鍾吾山接鍾家園

地脈蜿蜒勢端正自從馬策扣羊曇欲侍笑言那可更
後生安仰思迷方樂天不憂公知命憶歲戊子月仲冬
公初歸田謝朝柄回頭光景似奔輪繩武孫曾集餘慶
貽來手澤後賢珍述德紹聞心起敬山邱華屋古所嗟
緬溯清芬遐以冀中條山谷指王官曠致當年企表聖
浮生處世一俯仰得喪榮枯哀樂併下士難排膠擾胸
達人自適優悠性見道長篇逸興飛盤空硬語老筆橫
披圖想像坐春暉白髮門生淚空迸一邱也擬下歸藏
峰如屏障波如鏡達觀并作死前休準敕兒曹付家政
登山濟勝足已屨和韻押強腕猶勁山房小築可春遊

昭儉師門仰遺令

余築生壙于綠晦山下傍建丙舍題曰綠晦山房

洽園紫薇花和芝巖韻

洽園幽事實堪誇坐賞行吟興倍賒翠靄壓檐排石筍
紫雲圍幔發薇花風翻金縷含晨露煙鎖瓊枝炫晚霞
莫道一邱太岑寂奇姿真稱退翁家

句詠絲綸早歲誇白頭風月此間賒相看同是閒中客
何礙重吟官樣花香入湘簾凝彩筆光搖玉斝泛流霞
吳天暑退涼生早好把金龜付酒家

雙松圖詩

雙松圖者程愛廬侍御爲其母太夫人作也

始侍御母錢夫人年十八而寡以其姊張夫
人所生子侍御公爲後年纔數齡張夫人年
三十一亦寡同志守節教養其子庭有雙松
錢夫人指語張夫人曰是雙松者如我兩人
矣繼侍御成進士官於朝兩太夫人皆享高
壽膺榮封侍御繪雙松圖以誌慶今兩太夫
人皆卽世侍御奉圖索題敬書於後

兩心雙榦比堅貞愛聽寒窗謖謖聲
潤雨其瞻同柏直得天自許獨冬榮
蒼龍未化孫枝茁白鶴重來歲琯更
我爲題詩頻掩卷西風庭樹最關情

破山寺追和常少尉韻

寺今爲興福院

籃輿尋古寺曲折入楓林門外重岡抱階前一壑深看
碑思往哲啜茗滌塵心太息詩人去寥寥鐘磬音

三峰寺

靜侶有支遁同遊獲范雲霜林圍梵宇落葉舞晴雯飯
軟飫禪味心空息世氛聽鐘聊小憩下界未斜曛

劍門

虞山如眠牛蜿蜒石戴土翠壁聳峻嶒崿呀劈鬼斧危
如陟褒斜仄擬入子午谿豈五丁開矗似巨靈剖或廣
如堂皇或壘若峒巘名之曰劍門開闢想自古愧乏勒

三才集卷之三
銘才登頓愁栗股山前東西湖滉漾接晴宇深爲馮夷
宮幽是鮫人府魚鳥所戲遊烏兔迭吞吐漁艇依蘆洲
人煙澹霜浦遠眺目爲搖邇矚背頻俯僧言山色佳遙
望態逾嫵憶昔泛扁舟中流曾目覩反照上層崖恍展
倪黃譜我無濟勝具遇險勇亦賈茲遊恃籃輿足力頗
能努節候況晴和丹楓正明鳴指點拂水巖褰裳復率
許卻羨舟中人呶啞聽鳴榔

維摩寺登望海樓

爲訪維摩寺言登望海樓禪心閒似水客意澹於秋搖
落羣氛靜蒼茫一氣浮方壺不可到吾欲問眉洲

籃輿爲遊山之具芝巖有詩和作一首

平生林壑最情親馬脊船唇厭苦辛
獨往正須垂老伴相依只許看山人
樂天乘興還敲句彭澤清遊合寫真
絕勝灞橋驢子背不教吟袂惹纖塵

言夫子墓

南方夫子稱言子此地當年文學始
墓門密邇闕展謁身列儒林顙有泚
歲雄在壬月仲冬虞山山麓霜林紅
升階再拜復稽首遙想若堂斬板封
習禮家風傳揖讓山前古巷雲仍旺
愛人學道兩坊存干將祠宇還相望
彈丸傾耳絃歌聲琴堂翩然來滅明
割雞誰試庖丁手

千載循良憶武城

兕觥歸趙歌

爲常熟趙者
庭明府作

素衣角帶陳嘉猷相公未肯歸荊州懦夫屏息舌入喉
剛腸詎以腹劍柔墮肉如掌氣益邁直爲一代綱常憂
當時同袍祖道周共飲止許吳編修文羊一角黜而觥
忠臣口澤垂千秋凶終世或文穆尤亡親今爲江陵羞
一觥流轉珍天球汶陽卓行齊中牟慨念杯棬涕泗流
不憚辛苦間關求精誠所格夙願酬顏藏翁介良有由
是曰天相甯人謀覃溪樂府可以謳衡齋高義古罕儔
用告家廟揚前休子孫永保世澤畱足以激厲末俗偷

可憐相公相業優不少圭瓚拒鬯占貢媚況復羅琳璆
是觥區區何足侔一朝勢盡舉室幽股家大珠誰復收

題虞山夜泛圖

王戊十月十三日芝巖翰林邀余同遊虞山適蓉峰觀察過訪

以有事不獲同遊爲悵越五日歸蓉峰持是圖索題蓋康熙壬戌十月常熟蔣文從招同閩中張超然翁岸甫金陵武衷白同里錢湘靈陳在三賈幼陶陸競庵遊虞山作也圖爲武衷白寫詩以人影在地仰見明月爲韻

誰開三徑挈朋儔宛似當年赤壁遊料得前賢也岑寂
故將山水寫幽憂

如此風光如此人幾番甲子幾番新青山久已埋吟魄
畫舫誰能記後身

圖成八客共吟詩擊鉢飛觴彼一時此日山靈嗤二老

同遊只有道人支

同遊者三峰寺長老一峰

我掛蒲帆到海虞清遊歲月恰相符奔輪光景成陳迹
懶倩倪黃更寫圖

題虞山秋眺圖

歸自虞山風信大作掩關不出展閱詩卷戲
寫此圖適芳洲沈子過訪遂令足成之而系
以詩

寒窗潑墨興淋漓自作橫圖自寫詩老去書生何所事
破除岑寂仗毛錐

韓旭亭西山記遊圖

憑將妙腕紀清遊
衫影筇聲萬壑秋
我亦披圖憶吟侶
西風啜茗坐僧樓

送唐陶山之海州牧任

剖竹巖疆重乘轡
刺史榮湖雲依去
榜海月迓前旌
望歲騰歡口攀條
悵別情驪歌且緩
唱花塢有新聲

得莫韻亭侍郎書却寄

病夫只合把犁鋤
舊侶春明跡總疎
却怪燈花何太喜
朝來接得韻亭書

金臺翹首路漫漫
苦說相思合併難
記得書窗晴旭暖

爲余點筆畫春蘭

三松堂集卷十六

始壬戌冬
至甲子夏

吳縣潘奕雋榕皋

黃薳圃移居載書圖

往年君移居擔書復攜子今君又移居弄孫枕文史寫
圖更作記七稔流光駛城西避紛華城東慕醇美欲以
耕讀業世守貽令軌吾聞古人言讀書在明理孟氏收
放心孔門訓克己語焉不厭詳無非爲心耳塵盡鏡斯
明垢去水益泚吾能治吾心數語實足矣奈何後來人
忘原但窮委迂或疲丹黃黠但博朱紫訓詁日支離詞
章俳優似如以塵掩鏡如以垢汨水揆諸古人意無乃

謬千里知君高曠懷久已厭薄此一廛供牢蔬一卷訂
亥豕掘井及原泉豈問渠與汴治米取精鑿豈復收穰
秕于焉啟新知于焉考素履良田無晚歲斂穫從此始
佇見通德門蒸蒸徵後起體用信能賅窮達皆可喜鄙
人不工詩惟取辭達已洽聞世所尙玩物吾方恥講習
期素心陳編有微旨

于滄來太守婁江施粥圖用卷首同年筠浦制

府韻

誰回枯槁作陽春姓氏書屏

御墨新體得如傷懷保意知公真是讀書人

恩指婁江浩蕩波鳴槌眞見督維那須彌芥子同無際
一點靈臺覆被多

月池兄哀詞

同行長我僅存兄羣從今嗟失老成藝苑有人收畫橐
風軒何日聽琴聲中年頗厭塵緣擾晚歲難辭世網嬰
太息勞生義馭迅春波孤負舊鷗盟

兄與余屢有徜徉山水之約而未果

唐鏡海萬卷書屋圖

炳燭留餘習鑽研力弗勝牙籤羅秩秩羨似日初升

生辰三松堂小集有作

風信初過氣已暝松濤雲影護蓬門年庚自幸六加四

卦數敢希貞起元春服既成宜蠟屐舊書懶讀暫窺園
昨與弟畏堂子世璜
姪世榮遊程蔣二園
芳筵桃李天倫樂逆旅衰榮莫更
論

登天平山入雲泉晶舍有懷一峰長老時在三

峰寺

危崖遮客路磴轉一僧迎長日步宜緩綠陰禽自鳴紳
袈同寄跡喧寂任芸生却憶三峰頂楓林拄杖行
去年十月

與一峰同
遊虞山

那伽室觀壁間詩再用泉字韻

春遊重襜被小住又聽泉興劇不尋侶言忘可證禪遙

村疑有雨高樹靜無煙一宿那伽室聯吟憶舊緣

新晴南窗下作

夜雨快曉晴檐鵲喚人起卷簾南窗坐衆綠映棐几頽
齡畏酬接結習愛文史浮生紛殊趨欣戚亦異軌物情
蔽所見何處定臧否悠然掩陳編澹爾契無始道勝累
斯捐緣簡念自止何能桑榆年學作襍穢子

四月廿二日同人小飲三松堂和芝巖韻

道南巷北路非賒雨檻風廊靜不譁嫩綠乍看搖竹影
溼香猶未放桐花唱酬皮陸真同調宗派蘇黃各一家
排得詩成十數卷氣麤語大莫嫌誇

芝巖近刻詩十二卷余亦有十餘卷

三才集
故用香山
詩句爲贈

芳谷和韻見贈再次前韻

判袂頻驚歲月賒開軒喜接笑言譁兩斟漢口屠蘇酒
補看揚州芍藥花君自楚歸復有邗上之遊老筆我真伏作手舊醅
君莫陋貧家茅齋粉壁騰新采連璧雙金實可誇

送李松雲之徐州守任

天子懷保切使君經綸優璽書下丹墀隼旟指徐州
使君在承明公望燕許儔一麾坐石頭再任臨爽鳩
同寮躋三事門下擁八騶萬事豈意料空驚歲月道人
生五馬貴羨公猶黑頭徐州號難治地劇當黃流質樸

信有餘勁厲良可憂東坡有遺愛維公能匹休飾治貴
經術先平競與練風清雲龍山月白燕子樓政閒攜賓
從可詠亦可遊雖云二千石何異萬戶侯江雲引蜺旌
梅雨隨鹿輶受事屬首夏政成期新秋宣室佇前席
蒼生望鞠謀河東且臥理黃霸甯淹留

五月十八日與畏堂過鄒家水閣用少陵題張

氏隱居詩韻

意行出郭偶相求雨舫煙津景最幽繞舍鷗波渺湖海
連雲雉堞當林邱茶瓜禪宇懷陳迹絲竹山塘訂後遊
我有憂思賴陶寫偷閒何惜更浮舟

偕畏堂坐兩白公祠有懷述菴先生再用幽字韻

笠屐衝泥共子由最喧闐處賞清幽
溼雲漠漠依雙槩密樹濛濛抱一邱
亭榭高低愜靜對壺觴談笑憶前遊
漁莊信宿程非遠要趁西風放小舟

五月廿五日雨中重過山塘聽歌客曰是葉廣
平派也回思庚戌八月夢樓太守招飲經訓
堂聽葉廣平諸君度曲時蓋十有四年矣感
念今昔慨焉成詠

屈指清遊未浹旬柳陰垂幙覆雲津
徵歌已許重移櫂

蠟屐何妨更墊巾白社我尋塵外侶黃梁誰認夢中身

是日唱

邯鄲夢

納書快雨都陳迹振觸新聲憶故人

葉有納書
楹曲譜快

雨堂夢樓
書室也

書東林五君子手札後

委鬼當頭坐陰霾塞乾坤五虎及五彪十狗方成羣桓
桓數君子大聲震濁昏太阿方倒持誰歟發覆盆身亡
氣益振陰盡陽乃伸至今翰墨林尺幅天球珍我友知
歸子嗜古見性真玉璫未許混蘭蕢尤當分桐城非可
誣奮斯豈其倫去留別黑白亦以判蕕薰非徒欽勁節
用褊巧佞魂乃知賢不肖沒世不可泯膺滂古所仰五

三才集卷一
君紹清芬寄言立身者毋欺後來人

六月二十一日張燮堂邀過家園觀荷留飲得

詩六首

竹深荷淨好林亭雪藕調冰倒綠醽誰信喧闐城市裏
翛然清賞有煙汀

選勝迎涼碧澗隈小軒正傍綠陰開倚闌香氣憑誰送
一陣微風水面來

極目滄波溟渤寬菰蒲瀾瀾滿風灘老夫堅坐拌窮日
斲取新篁作釣竿

聽琴玩月夜忘眠往事龍頭近卅年花似紅雲波似鏡

恍疑重泛太湖船

憶己亥六月同月池默齋畏堂洞庭龍頭寺觀荷之遊也

翻翻荷葉欲平橋
拍拍飛鳬似雪飄
待喚奚奴拏短艇
醉攜笛簟入花搖

峽雨猿聲到座隅
重尋舊賞愜新娛
風流那得倪黃手

更寫溪亭道暑圖

丁巳六月東翁同年招飲園中出示宦遊蜀中所得錦江文石今燹堂復

出見示汲新水設於席間溪亭道暑東翁在京爲余寫作長卷已爲友人攫去矣

虎邱雜詩十四首

并引

蘇城西北虎邱山者秀挺單椒體包羣壑寺宇丹絢
林亭翠交危磴平闌延矚引步嚶聲天采間發亂飛
春秋皆有可觀晴晦迭呈變態洵四方人士遊覽畢

集之地亦是邦英彥吟眺不厭之區也爰有三泐詩
翁停橈振響洽園詞客投簡繼聲僕也掩關逃暑索
居渺歡愜盍簪於素心慕投桃之高誼喜生見獵醜
忘效顰況夫批風抹月本是弱齡遊釣之鄉兼之擲
笛彈絲不少上客唱酬之日登高能賦兩美不礙殊
姿卽事多欣同調何妨異撰書成拉雜合新愁舊恨
以齊宣體仿謠諸彙昔款今情而並邇慚技道之不
兼進按宮商而弗克諧難希子夜新歌或作獸山故
事云爾

亭榭高低樹淺深偶移短棹散幽襟乍看新綠叢祠掩

又聽鳴蜩灌木陰

春風童冠集山塘破曉來登選佛場老輩幾人還健在

花時拄策玉蘭房

昔年山後玉蘭花開先祖閒齋公時偕客登眺常命追隨破曉來登選佛

場先祖詩句也

桐帽棕鞵雪鬢氈山光明媚水拖藍小航遊客今如織

誰說詩人汪籲三

醴泉令汪籲三先生名俊號山樵與先祖爲詩友同遊山塘有小航怡受

無多客之句

一片冰心託曉霞澹香詩筆最清華青衫客子頭全白

何處重尋處士家

布衣梅澹香居青山橋一片冰心託曉霞澹香詠庭前紅梅詩句也

泉清亭古氣蕭森汪老詩篇呂老琴今日挈朋來避暑

荒階苔合一蟲吟

三泉亭地最幽寂往時汪愛廬先生避暑石室有石老汪老問答詩寫冊

貽余近年琴友呂修林寓此余爲書修休琴館額春秋佳日來此聽琴

七子才名海內馳山塘傳唱柳枝詞靈光一老風流劇

來倚紅闌賦小詩

沈歸愚宗伯選七子詩王述菴司寇其一人也集中山塘柳枝詞傳誦于

時今來寓白祠賦虎邱卽事二十六首遍貽同人

招呼閒侶訪毛公謝客幽探興未窮話到龍湫詫奇絕

布帆準擬挂秋風

陽湖趙雲崧前輩訪舊來蘇泊舟白祠拉王孝廉仲瞿同遊洞庭偶談雁

蕩之勝訂余入秋同遊

老手從來便劇郡

老手便劇郡東坡句也

移家眞箇賦閒居漫吟

漁火江楓句懶寄雲龍隱者書

白公祠奉祀香山自李松雲太守發其論張雪

樵觀察自西洽移寓虎邱去祠數武余來山塘
常晤語其地今松雲守徐州雪樵移寓楓橋矣

溪山勝處月如銀
鬪鳴闌空碧草新
畫舫朝朝還夜夜

尊前顧曲是何人

溪山勝處盛竹軒刺史別業甫里祠
陸豫齋建中有鬪鳴闌諸勝昔與簡

齋夢樓蕉圃蘋洲觴詠於斯今
日過之不勝黃公酒壚之感

五戒誰能認後身
山房不見寫經人
閒繙祕篋消長日

要向三生結淨因

半塘龍壽山房藏元僧善繼三世血
書華嚴經乾隆乙卯春與西莊辛楣

芝巖立崖諸君子

同觀題名卷尾

搖碧春晴水潑油
闌前花影漾簾鉤
何當閒喚同袍子

擊鉢飛牋續舊遊

瞿遠村別業臨河
余爲題額曰搖碧

云美遺蹤渺不存
延來吟客寄吟魂
溪山風月誰爲主

贏得名留塔影園

白公祠爲顧云
美塔影園舊址

海燕亭邊燕子飛
眞孃墓上草菲菲
丹青頗憶秦楊柳

小閣山腰冷夕暉

錫山秦儀萬千人石下善山水
尤工寫柳時人呼爲秦楊柳云

佛香庭院磬聲殘
一樹梅花覆石壇
曲徑禪房留韻事

竹扉山水墨泉蘭

怡賢寺老僧竹扉善畫山水墨泉善
畫蘭竹庭有紅梅花時余與畏堂雲

浦過訪墨泉以
所畫長卷見貽

褚觀亭同年謁選入都詩以贈行並簡同鄉諸

舊好

十年飽苜蓿

君現任溧
陽教諭

同輩擁旌旄

謁選者例由撫臣
驗看給咨君舉壬

午省試今署撫制軍費
公亦壬午舉於鄉故云

且去戴星治甯嫌束帶勞江風

吹別袂燕月上吟毫昨夜春明夢因君緘舊交

月夜

皎潔松堂月流光上我衣所思渺何處永夜若相依遠
樹露華滿明河秋影微冰絃橫竹几不與俗人揮

送范芳谷重遊楚中

鼠姑花下話離情叢桂香飄別思盈蔣徑自開臨頓里

祖鞭又指漢陽城

君行由陸

砧聲月色縈新夢橘綠橙黃算

去程想見驛亭秋興好天南況已掃欃槍

白祠桂花盛放張雪樵觀察羹湖蓴招飲花下

賦贈

爲賞新秋喚舊朋
天香深處興堪乘
憑闌鑑影窺潭面
步磴鉤衣避石棱
幽意共將蘭作佩
歡情況挹酒如澗
知君飽飫閒居味
不必臨風慕季鷹

自訟

貧嗔癡愛塵根障
得喪榮枯世上魔
夜半夢回默自訟
澄潭何以更生波

題清溪重臺桂卷

陳彥瑜先生吾友永齋同年雲濤舍人之祖
居城東清溪草堂庭前老桂忽發重臺釋目
存爲之圖一時名流歌詩誌瑞逮乾隆己丑

永齋以第一人及第今年八月雲濤持卷索
題余以爲重臺之應當有疊見之祥因賦此

詩以誌

清溪古榦吐奇英畫手童心

目存自號
童心老人

擅老成翰墨流

傳覘世澤鄂趺層疊兆科名一枝郗氏呈先瑞

謂永齋
同年

五樹燕山驗並榮

雲濤哲嗣皆績學工文諸孫並
開敏穎異重臺之應當在乎是

我賦

小詩徵左券重臺舊韻佇重賡

山塘杜氏園亭看菊

招呼靜侶坐東籬小艇重過短簿祠秋後人情都向菊
老來世味剩銜后畫圖前輩風流在屏几幽軒布置宜

且撥閒愁同作達霜髭眞稱傲霜枝

吳竹橋輓詩

撫到枯桐憶子期平生心事幾人知怕緇舊揭三通帖

案頭褚河南汝南公主墓誌蘇長公手書枉寄新編千

煙江疊嶂詩並仙壇唱和詩冊皆君所贈

首詩余近刻三松堂詩成從夜吾谷有僧招放艇去年九月

因遊吾谷順道訪君昨三治園何日更銜卮去年春與

峰僧復以舟來招看紅葉

飲于可憐星鬢荆南客猶作聯牀聽雨思謂令弟槐

桃花庵奉祀楊忠節公爲公裔孫孝廉一鴻作

古庵訪桃花流風企前哲仙翁去已遠姓氏人艷說先

生後起彥秉性貞且烈昔時兩解元歲祀同奠醊如何

百年內遺跡獨湮滅秋空鶴唳雲春老鵲啼血 熙朝
念蓋臣賜卹諡忠節恩榮久下逮俎豆虛未設旌忠
國典昭追遠孝思切僧廬啟幽恤栗主巍義榻備物牲
醴陳薦芬蒨藻擷撰辰肅衣冠卒事毋敢褻虛堂面初
旭霜宇氣寥泐英靈恂恂來遺徽未歇絕却聘溯軼事
品誼真可埒其遭遇殊途其潔身合轍維待詔京兆配
食東西列從此四先生精禪歲無缺題詩誌景仰紀實
代碑碣

王述庵少司寇八十壽詩

杖朝

恩許主鷗盟洛社優悠詠太平 三殿履聲諸老憶五

湖帆影一身輕松高渴露枝增翠鶴老橫煙韻轉清莫

道漁莊穩臥久東山念總繫蒼生

公居三泖漁莊繪圖見志

潞水蘭橈放早春緩程猶記荷

溫綸收將捧日擎天手來作眠雲跂石人蒲褐

公山房名拈

毫餘結習聞思

公築精舍屬余書額

宴坐悟前因連篇近誦山塘

詠老筆摩空覺有神

今年公遊山塘賦卽事詩二十六首

回首 觚棱歲月深銅墀清切漏聲沉建牙四表壺冰

朗籌筆中年鬢雪侵人信匡時須實學公言執法但虛

心堂開佚老身還健投紱長懷報 國忱

出處依稀似樂天人間今見地行仙詩吟海燕原無競

用張曲江事

夢哂黃梁亦可憐未許官階妨著述最難鐘鼎

又林泉諸生誰奏南飛曲待譜新詞付管絃

公少工樂府近又有

續詞綜之刻門下士得指授者皆有玉田白石遺韻

金瑤岡舍人

芝原

百二十本梅花書屋圖

龜峰塔下宿霧消青鞵挂策河豚橋山僧與我歲有約
每到驚蟄沙彌邀却愁春來風雨橫冒絮蒙頭寒正勁
菟裘未築借僧樓往往忽忽理歸榜羨君家住松陵灣
屋前屋後梅花環繁柯壓欄英墮几討春不用窮躋攀
巡簷索笑疏枝冷彷彿移家入銅井日高惹袂有蜂聲

月上滿身是花影百二十本書堂前閉門那怕春風顛
閒來自袖調羹手興到還移放鶴船幽尋一棹閒能過
定有新詩索我和埽苔鋪簟醉松醪可許師雄花下臥
昔君懷鄉作此圖問君能住圖中無似聞梅兄相與語
舍人骨相非林逋紅塵滾滾眯人目東閣西溪緬遺躅
富貴逍遙未可兼君今得全真是福酸香破鼻水邊籬
轉頭又是尋芳時白頭應笑陳驚坐畫裏相看但詠詩
同年陳春澈副憲有何當愜芳
願吟賞水邊籬之句故調之

題褚寄汀觀亭瀨江倡和詩後

觀亭任溧陽教諭寄汀至署因

成是

卷

昔賢作尉此邦留文士詩人共獻酬

孟東野招文士飲詩有文士莫辭酒

詩人命屬花之句

何似堦篋迭倡和褚家兄弟擅風流

庭下梧桐見客心夢中蟋蟀感秋音

二句皆用東坡故贈子由詩意

知旅館寒燈夜正憶官齋對榻吟

時觀亭謁選入都

畫竹歌贈夏羽谷翬

植物之中竹難寫在昔樂天曾有云崑山夏翬擅家學
酒瓢畫筆常隨身三杯到口吐芒角百榼入腹堆輪囷
興酣直視揮勁腕著紙滿幅抽春筴一枝怒挾嶰谷石
千枝中有湘妃魂低枝含煙拂蒼蘚高枝解薜干青雲
橫斜遠近紛異態風露晴雨能傳神嗚呼太常不可作

風流文采今有孫况翬畫蘭臻妙品偶寫梅菊亦逼真
吳門流寓今幾春軀幹瘦弱胃嶙峋暗投或遭俗眼白
遇賞時與文人親吾聞書畫同一訣支分派別皆同原
高才能工在熟習要須書卷培其根古來能手不數邁
吳興趙與衡山文翬也抗手未肯讓欲兼二子成三人
西泠徐袖東吳趨陳石岷近時藝苑推軼羣未若翬也
下筆橫逸罕與倫晴窗拂硯看揮灑恍悟折釵屋漏痕
故知翬畫乃非畫以篆作骨草作筋畫成鋪几索我句
謂欲吾集其名存我衰詩劣非世重作歌聊與酬殷勤

朱香巖雙松圖歌

香巖近作雙松卷示我索我雙松歌雙松已老枝半折
百年世澤存喬柯憶昔高齋開賜硯蒼雲翠黛圍吟窩
三槐桐樹誌異瑞俯仰日月如飛梭摧頽未免風雪橫
正直尙荷神靈呵凌霄勁幹栖舞鶴含風清籟諧雲和
王生好手追韋偃筆與霜幹爭嵯峨披圖香巖發長喟
墨池灑汁傾天河我家庭松亦奇古三株離立垂藤蘿
長身磊落似君子芒寒色正鬚髯皤難辭古貌笑桃李
肯效嫵媚隨媚娥虛堂風雨共晨夕支離叟伴衰駘佗
雙松三松地雖異葆真同此依巖阿山紅澗碧春競艷
紛紛開落埋煙莎奇姿偃蹇天所放豈以蕭瑟嗟蹉跎

勸君且倒金叵羅勸君莫惜朱顏酖人生那得似松壽
榮枯閱歷松更多詩成掩卷對松坐謾謾似和詩翁哦
題李涪江海棠卷涪江庭有海棠花時極盛自
寫長卷王惕甫爲題曰蜀客寫生以海棠號
蜀客而涪江本蜀籍也爲題短句二首

春雨溼裊斜到家還憶家閒將供奉筆貌取故園花
一樹如雲幔紅深老學庵我來尋蜀客疑到百花潭
涪江復以蕉葉作箋索詩因題其上

鋪几滑於紙泠泠風露清不須尋覆鹿且共聽秋聲
于滄來太守餉木瓜

乍喜清談洽何期淑貺邀緘情同木李琢句愧瓊瑤幽
興移吟几濃香滿藥寮願持永好意風雅近寥寥

滄來出示思園雅集圖記題後

良辰眷清暇歡言盍朋簪側聞思園中同心共招尋池
館畫藹藹琴尊靜悄悄寫圖留韻事作記攄素襟顧名
義斯在卽景思彌深因知遊行日未釋痼癢忱鄙人秉
微尙息慮栖林岑出位懷前聞朋從懼難禁鴻篇日三
復尋繹真余箴默觀憧擾胸益愧金玉音吾人內省學
出處甯殊心相期葆冲抱勿使塵氛侵

河決衡家樓奉

旨分別各州縣被水輕重蠲賑兼施恭紀二律

飛章馳豫省決口報衡樓歸壑時方殺衝堤漲忽浮菱
芻輸近邑鴻雁集傍州三策誰能究其咨釋

聖憂

野戍留孤樹荒村擁急湍何人籌曲突此地本安瀾醫
有陳方在棋無閒著難

恩綸歡萬戶俯仰已先寬

贈韓旭亭旭亭明年七十自賦述懷詩邀同人

和作

七十未華顛封君猶少年閒能聽絲管健不鍊丹鉛道

士貽藤杖諸郎寄俸錢一燈老屋裏未肯棄青氈

使節膺

新命南轅指武夷

次君桂舲廉訪昨奉旨調任閩中

旌幢自樂貴林壑

慣栖遲几上劉安札

檀尊世子爲受業弟子原唱有屏却有王孫問起居之句故云

屏

間李委詞山僧知謝客預訂看花期

先生誕辰在明年二月正梅花盛開

也時

郭匏雅築珠華山館成以詩紀事因次其韻

繁柯冷艷圍新築誰拓疏櫺俯平麓倪家巷外珠華山
流水小橋橫獨木幽人愛此遠塵氛欲以蕭閒解局促
泥飲時從田父遊閉門但把南華讀暗香疏影月昏黃

舊韻逋仙定能續我家丙舍近潭東青鞵每苦春遊獨

羨君卜築贈君詩綺衣想像闌干曲

君昔畫長卷余題詩有人與梅花共

一樓之句今卽屬余書爲額

樓頭放眼領清曠樓下支筇散羈束君

吟我句索我書漫許塗鴉署華屋尋芳載酒放孤篷爲

問素心今有孰自憐衰鈍樂沉埋何意疏頑蒙采錄回

頭却憶贈詩時彈指流年十五六詩清頗喜骨耐寒書

瘦未嫌筋勝肉明年驚蟄香風吹一棹相期過光福犬

聲如豹華子岡王維裴迪還同宿梅花深處可幽栖高

詠考槃矢弗告

立春日兩窗試筆

帖子裁箋手自書墨香暖注玉蟾蜍冬終春蠢年將改

出甲莖萌瑞紀初

漢書出甲于甲莖萌于子明年歲紀甲子今歲立春實甲子年第一日也

早有暄風披徑草喜添膏雨潤園蔬遙知銅井雲深處

萬樹梅花昨已舒

梅爲驚蟄花今冬晴暖爲向年所無花已大放矣

次韻滄來太守除夕前一日對梅之作

只有梅花不世情巡檐心跡喜雙清吟成官閣邀誰賞
開徧江村憶獨行涇雪冷煙三徑靜暗香疏影曲屏橫
使君袖有陽春譜散作千家萬戶聲

陳雲濤見示東林寓館書懷之作次韻四首

浮生若箇不蹉跎知止何妨老薜蘿我擬逍遙尋退谷

君真安樂得吟窩檻前草樹生機滿
下雲煙變態多
爲問依庸堂上課工夫疏密近如何

水木清華傍古祠

城東隅爲道南祠

莘莘絃誦集于斯百年興

廢遊人說一代賢奸老衲知過
鳴松聲還謾謾抱山雲
影自遲遲此邦風節今猶昔
憑仗前型作導師

青瑣留得不憂貧
莞枯虛堂迴絕塵
直以丹鉛傲朱紫
肯教蘭茝雜荆榛
攬將嵐翠心同靜
飲到山泉味儘醇
領略梁谿好風景
始知清福屬閒身

坯戶衰年等蟄蟲
新詩吟諷脇生風
欲商此事談何易

雲濤詩用顧端文高忠憲學規語故云

差喜吾儕道未窮
燈火青熒當歲

晚墨香和潤已春融請看冷蕊初陽裏暖意枝頭漸漸
烘

顧南雅庶常以白隄送別圖索題因賦二首卽
送入都

春風昨夜到江城太史還

朝畫舫輕夾岸柳枝鶯百囀催君去聽上林聲

青山橋外水拖藍驪唱聲中酒半酣他日銷寒兼話雨
披圖能不憶江南

題范芝巖獨坐幽篁圖圖作於乾隆壬辰迄今

嘉慶甲子葢三十三年矣

小園竟夜春雨橫卷滿幅蒼煙竹色嫩于往歲客容腴
似當年

龍眠墓木已拱

畫師李點

子建翰墨如新

謂慕堂先生

留與故人

題句白頭同話前塵

獨坐君能長嘯閒來我欲攜琴試看卅年前月照人依
舊深林

正月十七日馮玉圃過三松堂

經旬風雨掩蓬廬有客翩然慰索居積疾尙能陪茗飲

拘春大恐損園蔬

吳人以春寒爲拘春

丹黃結習知難解歲月名

山信不虛

以近刻詩賦並選定天崇新鑰見惠

待向皋亭山下去仙源同

訪武陵漁

皋亭山俗名半山桃花
最盛擬二月中觀之

李子仙紫薇花下填詞圖

拜玉人傳李五詞曲屏團扇寫烏絲如何天與生花管
但譜紅牙付雪兒

清才合住紫薇天一樹繁紅劇可憐樹上芻尼頻送喜
春風待爾試如椽

韜光寺贈心安長老心安自靈隱退院居此

頓覺塵氛遠層岡振策行嵐光沉竹影鳥語學泉聲僧
老禪心定吾衰世味輕何能割妻子一鉢證無生

岳忠武王墓

墓門春水綠沄沄宰樹寒煙鎖夕曛五國羈魂歸望帝

深宮遺恨失將軍

耶瑛七修類稿韋太后歸至臨安問大小眼將軍安在左右以死獄對怒

欲出家遂

騎驢客灑風前淚薙髮仙啼嶺上雲

來集之樵書大

終身道服

理卿周三畏不肯鞫武穆棄官去後有人于葭州嶺上遇一人號翦頭仙人者問及獄事大哭問其姓曰姓周

須臾不見自雲中遺一紙曰周三畏拜謝

猶有餘威應金鼓

墓後爲金鼓洞怒濤松

響震湖濱

東風陌上又花開泥馬康王信再來

康王誕夕韋太后夢一錦袍人曰還

我故土人以爲錢武肅王也

半壁自甘蒙垢辱長城可惜壞奸回牲

碑祠宇輝金碧麥飯攢宮徧草萊此日忠魂歸鶴表更

無餘恨但銜哀

三月中澣八日偕紅珊弟往歛展謁先塋錢唐

江登舟作

松楸飛布

山名

夢迢迢又促輕裝趁早潮木本水源應共

切風餐露宿敢辭遙二橋嵐影橫蒼黛七里波光翦翠
綃陳迹卅年重著脚自憐青鬢雪飄蕭

江船竹枝詞

聽風聽水自年年紫陌黃塵欲漲天硯匣鏡奩晴翠裏
人生只合住江船

船頭四艣劃煙開一曲清歌酒一杯長願郎心似江水
早潮纔去晚潮來

日上三竿尙穩眠輕寒乍暖杪春天故知翠被香衾夢
只在青山綠水邊

纖跣微露熟羅裳一搦紅菱二寸強却怪詩人太輕薄
漫誇兩足白於霜

茗椀香鑪坐水窗四山飛瀑響淙淙窗前玉腕金條脫
笑指眠沙野鴨雙

香燼衣篝被擁綾酒闌燈炮思曹騰劉郎慢悵蓬山遠
綺隔疏櫺只一層

驟雨狂風長怒濤灘頭坐水集輕舸隔船閒話同年嫂

新漲平添幾尺高

舟人以水長守灘爲坐水共舟子
相呼女曰同年嫂男曰同年哥

無數春禽樹杪啼冥濛孤驛水雲低儂家自愛桐廬景
不羨江南罨畫溪

大程村謁五世祖塋地名鳳形

佛嶺迢遙地脉長

由大阜村至大程村路經佛嶺山勢蜿蜒重疊最爲高秀

鳳形翔

舞指層岡一千里外來陳俎百十年前仰若堂雨露松

楸懷永慕簪纓子姓集嘉祥苔階瞻拜重回首光景奔

輪卅載強

奕雋壬午舉于鄉來拜墓下屈指于今四十二年矣

潛莊拜先高祖墓

村頭晴溜響笙竽林外遙岑擁畫圖已痛種松來觸鹿

時因墓傍山田盜賣歸里清理

可能助祭下馴烏陳牲奉醴嗟容渺別

蘇看題感歲徂好飭雲仍勤守護根培枝茂語非誣

擺塢口羅家塢五渡上坑苦干源羊鵝坑茂林

徧謁祖塋敬賦

村居能聚族守墓古風敦
寥自宋元日拜經來耳孫山
阿體永託哀慕意猶存作
息安耕鑿相期同葆根

巖市訪方藝蘭侍御不值
翌日枉答又復相左
奉柬寄懷

燕臺猶記惜分襟
尺素頻年訂盍簪
誰料良緣阻故里
慢勞旅夢繞遙岑
銜杯翦燭思前事
落月停雲感昔吟
莫更臨風期後會
飛騰暮景最驚心

傍溪寺

僧寮依雉堞岑寂似山家嵐氣六時變溪光一道斜未
移梁下棹重喫趙州茶欲采黃精去蓮峰路正賒

河西橋閒眺

河西聊散步徙倚到斜曛灘淺纔通筏山深慣出雲人
煙當鴈聚禽語隔溪聞何處茅堪結吾將收放紛

張仙槎自寫乘槎圖索題

飄然一葉入雲煙錯認淩波太乙仙識得此心無所住
知君早悟畫中禪

將歸吳門由五渡經林樹嶺道中作

一路灘聲送我行擔夫莫訝客裝輕渡頭雲密猶含雨
嶺脚林開漸放晴地是故鄉餘眷戀路因重過記分明
來朝解纜瀉安去萬疊蒼山翠靄橫

乳香巖

積翠如畫屏扁舟入暝色懸崖呈異境可望不可卽云
有玉乳垂服之生羽翼香風發幽竇欲上徑阻絕蘊靈
世共傳賞異忘曛逼巖前宿霧重壁字人莫識仙蹤寄
想像幽意緘冥默何當遲佳喬築舍雲峰側

江口夜坐

桂棹移前月煙帆卸此宵雲飄浙東雨風送海門潮燈

火明龍口雷聲過二橋鄰舟吹玉笛不管客魂消

同愚村弟登萬松嶺

夜泊錢唐江晨指萬松嶺初陽靄空濛宿霧羃松頂冷
泠石流泉脩脩竹橫影有弟奉板輿安穩娛暮景吾行
與之偕首塗發深省嗟哉鮮民生羨茲春暉永人生無
窮達真樂只此境遊目散鬱陶含情默悽耿日午循沙
隄更泛西湖艇